

DEKLARASAUN POLÍTICA PLP HAFOIN APRESIASAUN FOUN BA PROPOSTA OJE 2019

Dili, 31 Janeiro 2019, Uma Fukun Parlamento Nasional liu husi sesaun Plenária extraordinária, Halo apresiasaun no aprova ona Orsamentu Jerál Estadu tinan 2019 nian, ho votos a favor 40, kontra 25 no abstensaun 0.

Antes votasaun final global, bankada PLP ható'o deklarasaun .

Bankada Partidu Libertasaun Popular (PLP)

INTERVENSAUN BANKADA PLP BA DIPLOMA ORSAMENTU JERÁL ESTADU (OJE) 2019

Ilustre Sr. Prezidente Parlamentu Nasional V Legislatura, Dr. Arao Noe

Ami nia Respeitu ba Kompozisaun Meza Parlamentu Nasional

Ami nia Respeitu ba Kolega Deputado Hotu

Hau nia Respeitu ba Konvidadus no Asisténsia sira ne'ebé presentes, Media Nasional no Media Internasionál

Hau nia Respeitu ba Povu Doben Timor Leste hotu ne'ebé ami serbí no hana'i

Liu husi sesaun ida ne'e, Bankada PLP, hakarak ható'o ninia intervensaun politika ba Diploma Orsamentu Jerál tinan fiskál 2019 liga ba Kompeténsia Presidente Repúblika nian ba Promulgasaun ka Veto.

Bankada PLP entende katak kompeténsia rasik ba Sua Exelénsia Prezidente da Repúblika, bazeia ba artigu 85° ho artigu 88° husi Konstituisaun da Repúblika Timor-Leste ezerse direitu veto, nune'e iha loron 24 Janeiro 2019, diploma refere haruka fila fali tiha ona mai Parlamentu Nasional iha loron 24 Janeiro 2019.

Iha biban ida ne'e, PLP hakarak ható'o nia pozisaun polítika no mós confirmacao PLP nia pozisaun kona-ba diploma legál ida ne'e.

To'o iha inísiu tinan 2019, Povu tomak iha territóriu Timor laran tomak, continua nafatin akompañia evolusaun polítika situasaun atuál iha sira nia leet no sira nia moris loro-loron maski nune'e povu hatudu ninia maturidade aas tebes hodi tur hakmatek. Bankada PLP hakruk no louva ba Povo Doben TL nia maturidade politika ne'ebé sai hanesan sasukat ba Ukun na'in sira katak Povu TL hakarak moris iha Domin no hakmatek nia laran.

Maske nune'e realidade ekonomia agora dadauk iha risku bot, hanesan lao kadeik, paralizadu tanba kompania no loza balun kumesa taka, desempreg aumetan ba beik-beik, kompania no loza balun taka la singnifika tanba jestór mak ladiak maibé ambiente politika no responsabilidade Nian Presidente ne'ebé mak laiha ekelibru.

Impase polítiku tinan fiskál 2017 nia resposta mak nain Presidente diside ba Elisaun Antisipada.

Iha loron 24 Janeiro 2019, Sua Ex. Cia Presidente da-Repúblika ezerse tiha ona nian direitu Veto, nune'e Veta OJE ne'ebé Parlamentu nasional aprova ho maioria absoluta iha Uma Fukun Ida ne'e.

Bankada PLP entende katak, hafoin lé hotu razaun sira kona-ba veto politika ne'ebé Sua Exelénsia Sr. Presidente da República haruka mai parlamentu nasionál. Sua Exelénsia Sr Presidente argumenta katak, OGE tinan fiskál 2019, ho nian montante bot kompara ho tinan fiskál iha tinan hirak liu, orsamentu la ekilíbriu ba setór importante sira hanesan edukasaun, saúde, agrikultura no turismo, razaun hirak ne'e mak fundamenta tebes ba Sua Exelénsia Sr Presidente.

Bankada PLP deklara katak atu hakotu lalais impasse polítiku ne'ebé ita hotu hasoru no fó serteza estabilidade ba atividade ekonomia, sosiál no polítika, Bankada PLP sei kolabora ho Bankada Parlamentár sira hotu hodi buka hatur entendimentu hanesan atu oinsa responde ba Sua Exelénsia Sr. Presidente ninia preokupasaun no haruka hikas fali ba Sua Exelénsia Sr Presidente hodi hetan promulgasaun. Bankada PLP preokupa ba Sua Exelénsia Sr Presidente iha hanoin bot ba povu no ba rai ida ne'e la presiza hein to'o loron 30 mak foin veto, maibé presidente bele husu ba tribunál Rekursu hodi bele halo fiskalizasaun preventiva bazeia ba artigo 149, Konstituisaun RDTL

Tuir bankada PLP nia pensamentu liga ba Diploma Orsamentu Jerál Estadu ba Tinan Fiskál 2019 nian nu'udar instrumentu principál ba implementasaun medida no polítika públiku hirak ne'ebé sei determina governasaun ba priódu tinan 5.

Bazeia ba Nai Presidente nia rekomendasaun PLP hamutuk ho bankada CNRT ho KHUNTO , reafirma pozisaun katak ami hare iha artigo 88 Konstituisaun pontu 2 hodi hala'o fali konfirmasaun ba diploma ida ne'e hodi Nai PR bele promulga iha loron 8 nia laran.

Bankada PLP hare ba rezultadu ne'ebé atinji ona husi negosiasaun Tasi Timor ne'ebé husi imposivel ba posivel tanba esforsu no sakrifisiu lubuk ida husi maun bot Kay Rala Xanana Gusmao ho nia ekipa ikus mai Asaun sira ne'ebé uluk ema mak sai nain no domina iha produsaun mina tasi timor nian sei fila fali ba ita rasik mak kaer no rasik ita mak sai na'in lolos hodi hatan ba sustentabilidade ekonomia Timor-Leste.

Maromak no Rai Lulik Hotu sei AKUMPANA NO PROTEJE ita hotu - hotu hodi halao tuir misaun ho Visaun ba planu desenvolementu sust nasionál .

VIVA AMP, Hamutuk Hametin Nasaun.

Obrigado wain